



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SVMMO PON=||TIFICE,|| QVINQVE LIRBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XVIII. Refelluntur deliramenta hæreticorum, quibus non tam probant,
quàm impudenter affirmant, Papam esse Antichristum.

[urn:nbn:de:hbz:466:1-53860](https://nbn-resolving.de/urn:nbn:de:hbz:466:1-53860)

cap.ii.dicit,Ecclesiam semper inuictam contra Antichristum futuram:Nec militiam,inquit,*suam deseret,qua vocabulū appellata castrorum.* DE INDE repugnare mihi videtur eum Euangelio.nam Matth.16.legimus:*Super hanc petram id est Ecclesiā meā, & portā inferī non praeualebunt adassēam.* At quomodo non praeualebunt , si eam penitus attingent?Item Matth.24.Dominus ait de ministris Antichristi:*Dabunt signa magna, ita ut in errorem inducantur, si fieri potest, etiam electi.* Vbi Dominus significare voluit, electos multos eo tempore futuros, qui Antichristi miraculis seducenon patientur. DENIQUE, scriptores omnes qui de Antichristi persecutione loquuntur, vt Ezechiel, Daniel, Paulus, Ioannes , & Patres omnes supra citati , victoriam illius bellū seu persecutionis penes Ecclesiam tandem futuram dicunt. Et sane ratio ipsa idipsum docet. *Quis enim credit in copilio, in quo totis castris Deus & Diabolus, Christus & Antichristus pugnabunt; Deum a Diabolo, & Christum ab Antichristo esse vincendum?*

CAPVT XVIII.

*Refelluntur deliramenta hereticorum, quibus
non tam probat, quam impudenter affirmit,
Papam esse Antichristum.*

Litteras.
ET si sufficere poterant, que haec tenus differunt de Antichristo ; siquidem euidenter ostendimus, nihil eorum summo Pontifici conuenire, quod Antichristo Scripturæ diuinæ attribuunt; Tamen ne aliquid desideretur , & impudentia aduersariorum manifesta fiat, proponam breuiter, ac resellam, quæ Lutherus, libellus Smalcaldicus, Caluinus, Illyricus, Tilemannus & Chyurus adferunt, ut probent Papam esse Antichristum.

Ac primum LUTHERVS, et si passim Pontificem summum Antichristum vocet, ac præferrim in lib. de capt. Babylonica in libro contra execrabilem bullam Antichristi; in assertione articulorum; in lib. contra Ambrosium Catharinum: tamen unum duntaxat argumentum eius reperire potui, quo id probare conatur. Nam in assertione art.27. ita loquitur: *Dante*

pradixit octavo capite, Antichristum fore Regem impudentem facie; hoc est, sicut Hebraus habet, potentem speciebus, pompis, & cærimoniis externorum operum, extincto interim spiritu fidei, sicut vidimus impletum tot religionibus, ordinibus, collegiis, ritibus, vestibus, gestibus, adficiis, statutis, regulis, observantias, & numerum nominum eorum vix recites. Atque has easdem Antichristi, vt ipse loquitur, facies enumerat, & fusissimè explicat in lib. contra Ambrosium Catharinum de visione Danielis.

Sed hoc Lutheri argumentum in tribus peccat. PRIMVM in ipso fundamento. Nam verba Hebræa בָּלְעַד ad verbum sonant, Robustus facie, & phrasî Hebraica significant hominem perfictæ frontis, qui non nouit erubescere. Nam in primis ita verterunt LXX. ἀναδύεται πρώτη inuercundus facie: Ita Hieronymus vertit: Ita Theodoretus legit: Ira ex Rabinorum regulis explicat FRANCISCVS VATARLVS: Fortis facie, inquit, est qui non erubescit, & quem non pudet.

Denique idem colligitur ex verbis similibus Ezech. 3. *Domus Israël attrita fronte est, & duro corde; ecce dedi faciem tuam valentiorem faciebus eorum, & frontem tuam duriorem frontibus eorū.* Vbi in Hebræo est: *Domus Israël robusti fronte sunt, & dedi faciem tuam robustiorem faciebus eorum.* Quæ non habent alium sensum quam istum (vt Hieronymus rectè explicat) illi quidem impudentes sunt, sed tu non cedas impudentiæ illorum: et si illi audacter & sine pudore faciunt mala; tu audacter, & sine pudore reprehendas. Quæ cum ita sint, videat Lutherus ne ipse impudens facie sit, si suam interpretationem Rabinis, Theodorero, Hieronymo, LXX. interpretibus, & ipsi Ezechieli anteponere velit.

SECVND O peccat Lutheri argumentum, quia ex hac sententia, quidquid tandem significet, non rectè colligitur, Papam esse Antichristum. Nam etiam si constaret, Antichristum futurum potentem in pompis & cærimoniis externis, non tam continuò colligi posset, esse Antichristum quicunque est potens in pompis & cærimoniis externis. Nam, vt Dialectici docent, ex particularibus affirmatiuis nihil colligitur; aliqui etiam Moses fuisse Antichristus, qui tot cærimonias in Exodo & Leuitico instituit, vt vix earum numerus iniri pos-

ddd 3 fit.

sit. Et cùm ibidem de Antiocho, & in eius figura de Antichristo dicitur, illum fore intelligentem ænigmatum; si rationatio Lutheri valeret, sequeretur eos omnes qui ænigma soluere possent, esse Antichristos. Quod certè falso, & ridiculous est.

T E R T I O peccat in eo, quod Pontifici Romano tribuita
stitutionem omnium ordinum, & cærimoniarum Ecclesiasticarum; cùm tamen constet, plurimas earum non à Pontifice Romano, sed ab aliis sanctis Patribus institutas. Nam Ecclesia Græca semper habuit, & adhuc habet, monasteria, ci-
tus, obseruationes, cærimonias, quas à sanctis Basilio, Pa-
chomio, & ceteris Græcis Patribus, non à Romano Pontifice acceperant. Vide libros Cassiani de institutis renunciatiis, & S. Basilij constitutiones. In Occidente quoque S. Be-
nedicti, S. Romoaldi, S. Brunonis, S. Dominici, & S. Francisci ordines à Papa quidem approbati, sed ab illis sanctis viris Spiri-
tu sancto docente excogitati & instituti sunt: Vt si eismodi ordines ad Antichristi faciem pertineant, potius sancti
Patres Antichristi dicendi sint, quam Papa.

Adde vltimò, verba Danielis nulli hominum (*veni Antichristo suo tempore reuelando excepto*) aptius conociuntur, quam Lutherò. Ipse enim supra omnes impudens factit, nam Presbyter & Monachus palam vxorem sanctimoniosam duxit, cuius rei nullum exemplum in tota antiquitate demonstrari potest. Item mendacia sine ullo numero scripsit, quæ à multis annotata, & literis prodita sunt. Scribit Iohannes COCHLAEVUS in actis Lutheri anni M. D. XXIII. à qua-
dam notata, ex uno Lutheri libro, mendacia 50. Ab alio qua-
dam eundem Lutherum conuictum mendaciorū 874. Qui-
lis denique impudentia illa fuit, cùm in libro contra Bullam Leonis X. idem Lutherus excommunicare ausus est Pontificem suum, cum vniuersa Ecclesia, quæ illi adhæret? Quis vero
quam audiuít, à Presbytero Episcopum excommunicati po-
tuisse.

Exhorruit quondam Chalcedonense Concilium Dioscori audaciam, qui in Concilio Ephesino II. præsidens, Leonem Pontificem excommunicare præsumpsérat: At quæ compara-
tio esse potest inter Dioscorum, Patriarcham secundæ sedis,
in Concilio generali præsidentem, & Lutherum simplicem
Mon-

Monachum in suo cubiculo scribentem? Sed iam Lutherò di-
missio ad Melanchthonem veniamus.

CAPVT XIX.

Refutantur nuga Synodi Smalchaldicæ Luthe- ranorum.

XSTAT libellus de potestate & primatu Papæ,
seu regno Antichristi, nomine Synodi Smalchaldicæ
dicē editus, qui quidem Melanchthonis mihi esse
videtur; sed cuiuscunq; sit, nihil nisi verba, & ina-
nem iactationem habet: Constat, inquit auctor libri, Roma-
nos Pontifices cum suis membris defendere impiam doctrinam,
Et impios cultus. ac planè nota Antichristi competunt in re-
gnum Papæ, Et suamembra. Haec tenus propositio, nunc pro-
bationes audiamus: Paulus enim ad Thessalonicenses descri-
bens Antichristum, vocat eum aduersarium Christi, extollen-
tem se super omne quod dicitur, aut colitur Deus sedentem in
templo tanquam Deum. Loquitur igitur de aliquo regnante
in Ecclesia, non de Regibus Ethniciis; Et hunc vocat aduersa-
rium Christi, quia doctrinam pugnantem cum Euangelio ex-
cogitatus sit, Et is arrogabit sibi auctoritatem diuinam.

Quanquam haec omnia, et si vera essent, parum nobis offi-
cerent: peto tamen quo fundamento nititur hæc interpreta-
tio: Paulus apertè dicit, Antichristum seipsum eleuaturum su-
pra omnem Deum, & in templo sessurum, non vt Regem,
non vt Episcopum, sed planè vt Deum; & hoc idem disertis
verbis affirmant Chrysostomus, Ambrosius, & ceteri huius
loci veteres interpres. Quo iure igitur vos sine teste, & sine
ratione affirmatis Antichristum esse eum, qui sedet in tem-
plo non vt Deus, sed vt Episcopus; & adeò non se effert super
omnem Deum, vt non solùm Deum Patrem, & Filium, &
Spiritum sanctum adoret, sed etiam coram omni populo se se-
prosternat ante Sacramentum Eucharistiae, ante sepulcra A-
postolorum & Martyrum, ante crucem, & imagines Christi
& Sanctorum, quæ vos ipsi, licet impiè, Deos alienos, & idola
appellare soletis? Sed videamus hoc ipsum quemadmodum
accommodetis ad Papam.